



An
Bord
Pleanála

Clár Oibre le haghaidh Éisteacht ó Bhéal

ABP-321670-24

Cás	Comhairle Cathrach Chorcaí – Elbow Lane, Sráid an Chócaigh, Ordú Fála, Uimh. 1 de 2024
Dáta	29 Bealtaine 2025
Am Tosaithe	10.00am
Láthair	Go fíorúil trí MS Teams

Is é cuspóir na héisteachta ó bhéal deis a thabhairt do na páirtithe uile, ar mian leo déanamh amhlaidh, tuilleadh aighneachtaí a dhéanamh lasmuigh de na hagóidí scríofa uathu agus deis a thabhairt don chigire soiléiriú a lorg ar aon saincheistanna iomchuí a bheidh tagtha chun cinn agus ar aon agóidí a bheidh déanta. Beidh deis ag na páirtithe ceistanna a chur agus soiléiriú a lorg ar na haighneachtaí a dhéanfar ag an éisteacht freisin.

Níl aon oibleagáid ar aon pháirtí aighneacht a dhéanamh chuig an éisteacht ó bhéal ná ceistanna a chur ar na páirtithe eile. Déanfaidh an cigire agus an Bord breithniú ar na haighneachtaí scríofa uile a bheidh faighte cheana féin. Ar an gcúis sin, níor cheart aon aighneachtaí a rinneadh i scríbhinn roimhe seo a dhéanamh arís ag an éisteacht ó bhéal.

Iarrtar ar na páirtithe uile aird a bheith acu ar chineál an iarratais seo agus a chinntiú go mbeidh láithreoirachtaí agus ceistanna iomchuí do chineál an ordaithe ceannaigh éigeantaigh seo. Meabhraítear duit nach bhfuil aon ról ná aon dlínse ag an mBord maidir le cinneadh nó measúnú a dhéanamh ar chúiteamh, agus ba cheart an méid sin a chur san áireamh in aon aighneacht a dhéanfar chuig an éisteacht seo, toisc nach n-éascófar aon díospóireacht ar bith maidir le cúiteamh.

Ar chríochnú na héisteachta ó bhéal, ullmhóidh an cigire tuarascáil agus moladh ar an gcás don Bhord. Is é an Bord a dhéanfaidh an cinneadh chun an t-ordú ceannaigh éigeantaigh a dheimhniú nó a neamhniú.

Féadfaidh an Bord a ordú go ndéanfaí ranníocaíocht i leith na gcostas a bheidh ag baint le haon duine a bheith ag láithriú ag éisteacht ó bhéal, ar costais iad a bheidh tabhaithe ag an duine sin mar thoradh ar láithriú ag an éisteacht. Is faoi rogha an Bhoird a bheidh aon íocaíocht. Ba cheart aon iarratas ar chostais a dhéanamh i scríbhinn chuig an mBord laistigh de thrí seachtaine ó dháta na héisteachta seo.

Má tá sé beartaithe agat cóip scríofa de d'aighneacht a sholáthar nó áiseanna amhairc a úsáid agus tú ag labhairt (láithreoireachtaí, léarscáileanna, grianghraif, etc.), ba cheart iad sin a chur faoi bhráid an Bhoird i bhformáid dhigiteach trí lá oibre ar a laghad sula nglacfaidh tú páirt san éisteacht (agus coinneofar iad ar an gcáschomhad tar éis na héisteachta ó bhéal).

Is é soláthraí seirbhíse a n-eagróidh an Bord Pleanála é a thaifeadfaidh na haighneachtaí a chuirfear i láthair ag an éisteacht ó bhéal seo. Ní ceadmhach duit imeachtaí na héisteachta ó bhéal a thaifeadadh.

Tá an clár oibre, an t-ord láithrithe agus an t-amchlár don éisteacht ó bhéal leagtha amach thíos. Ba cheart do pháirtithe a thabhairt faoi deara gur amchlár táscach é an t-amchlár seo agus gur féidir go dtiocfaidh athruithe air le linn na héisteachta ó bhéal.

	CLÁR OIBRE
1.	10.00am - Oscailt na hÉisteachta ag an gCigire - [15 nóiméad]
2.	10.15 – 10.45am – Cur i Láthair an Cháis ag Comhairle Cathrach Chorcaí: i. Cur síos ar an Ordú Ceannaigh Éigeantaigh agus ar an Tionscadal. ii. An t-údar leis an bhfáil talún, agus tagairt á déanamh do na roghanna eile a breithníodh. iii. An freagra ón gComhairle ar na haighneachtaí a rinne Agóideoirí. [30 nóiméad ar a mhéad]
	10.45-11.15 - Aighneachtaí ó Agóideoirí san ord seo a leanas. • Agnes Fitzgerald • Primark [30 nóiméad ar a mhéad]
3.	11.15 – 11.30am – Sos (15 nóiméad)
	11.30-12.00 - An freagra ó Chomhairle Cathrach Chorcaí [30 nóiméad ar a mhéad]
4.	12.00 – Ceisteanna idir na páirtithe (más gá) mar a leanas: i. Ceisteanna ó Agóideoirí ar Chomhairle Cathrach Chorcaí ii. Ceisteanna ó Chomhairle Cathrach Chorcaí ar Agóideoirí iii. Ceisteanna ón gCigire ar Chomhairle Cathrach Chorcaí agus/nó ar Agóideoirí [45 nóiméad ar a mhéad]
5.	12.45pm – Ráitis Deiridh (más gá) i. Agóideoirí ii. Comhairle Cathrach Chorcaí

6.	1.00pm – Dúnadh na hÉisteachta ó Bhéal ag an gCigire
----	--